

# „Stoubfänger“

## Bärner Fasnacht 2003

Us em Stadion Allmänd isch am ne Morge plötzlech **d'Bärn-Arena** worde u d'SVB, mir findes z'viel heisst äbe so plötzlech **Bärn-Mobil**.  
Jetzt frage mir üs, wie lang's ächt no geht bis dr Stapi vo Bärn - nüm **Baumgartner** heisst.

Ds **Züri** hets es Schiffbou-Theater dr FC Basel dä macht **Basel** smarter ou Bärn isch top - mir mei's nid verkneiffe mir hei jetzt bim Bollwärk e **Fuessgängerstreife**.

Me wöu dr **Gmeindrat** uf fuf reduziere zwee muess me also usrangiere u will die nid eifach chasch frühpensioniere müesse mir die jetze fremd plaziere:

- Dr **Stapi**, d'Ihr, das isch üse Troum ersetzt bi YB dr Schälliboum
- d Frou **Begert**, die passt total fein als Betreuer uf Bottige i ds Hundenheim
- als Chliklasslehrere, mir mache e Wett finde mir sicher a Job für d'Frou **Olibet**
- dr **Wasserfalle**, geng sprützig u fit wird als Huswart ir Rytschuel ganz sicher e Hit
- für e **Guggisbärg** hei mir im Tierpark unde e Stell als Wärter bi de Flamingos gfunde
- d' Frou **Frösch**, i Finance einsami Klasse gsehn i im ‚Alhambra‘ - ar Chinokasse
- jetzt fählt no dr **Tschäppätt**, tuets Euch intressiere?  
Dä blybt u tuet Bärn - ganz eleini regiere.

Mir hei geng g'hoffet, dass es glingi dass mir Erste wärde mit dr **Alinghi** jetz chöi mir wahrschinlech de ds nächst Jahr gseh dr America Cup - uf em **Egelsee**.

We d'verwicklet bisch in e schregi Gschicht de wirsch zitiert vor **Bundesgricht** dert muesch dis Gsicht jtz ganz guet schütze will dr Schubart bim Richte - jetz o no tuet **sprütze**.

Die **Kloner-Sekte**, s'isch nid zum Lache wot ewigs Läbe müglech mache jetz hoffe mir nume, dass nie uf Ärde dr **Blocher** dert wott Mitglied wärde.

Nach der **Expo** meint dr City-Verband dr Monolith, näht dä, de nid usenand mir hole dä mämlech vom Murte Plage uf e Bundesplatz - als **Autogarage**.

Im **McClellan** im Bahnhof da hei mir gstutzt wird's Füdle jetz mit **Ascom-Aktie** putzt dr Service Ma seit, är chönn nüt drfür aber Hakle drü Lage sig hüt eifach z'tür.

Im Norde vo **Spanie** isch ds Öl usgloffte dr Tanker isch de im Meer versoffe jetz fische die dert mit suurer Mine nume no stinkigi **Ölsardine**.

Jetzt si mir fertig mit üsem Sounding mir gäbe uf, es git es **Grounding** dr Abgangsbonus hei mir scho zocket sit em **Corti** hett das - niemer me gschocket.